

歷代兩浙詞人小傳

歷代兩浙詞人小傳卷十三目錄

閨閣 宋

朱淑貞 蔣興祖女 吳淑姬 孫氏 唐婉

陸游妾 楊娃 王玉貞 吳氏 李清照

元

管道昇

明

張鴻逵 項蘭貞 歸淑芬 顧若璞 黃鴻

成岫 錢涓 錢氏 韓智珙

清上

徐燦 吳柏 黃媛介 楊琇 王端淑

趙承光 于啟璋 馮嫻 徐映玉 錢徹

顧長任 錢貞嘉 翁與淑 商景蘭 商景徽

束壽王 琛 顧之瓊 陸瑤英 蔡婉羅

虞兆淑 彭琬 周蕉 王曇影 沈珮

胡慎儀 胡慎容 俞浚 毛媿 黃德貞

丁瑜 唐元觀 姚青娥 王煒 劉建

柴靜儀 顧瑤華 徐簡 吳氏 孫蘭媛

孫蕙媛 胡蓮 吳湘 孫瑤英 吳九思

王芳與 丁一揆 嚴曾杼 吳碧 閔懷英

柳是楊絳子葛宜沈榛彭孫婧

鮑芳蒨申蕙王璋許傳嬌王蘭佩

沈宛孫雲鳳孫雲鶴錢鳳綸鍾筠

曹鑑冰顧妣吳瑛陳素安鍾韞

王倩彭貞隱沈彩李佩金汪蘅

孫蓀意梁德繩屈鳳輝李晚許延祜

黃履袁淑袁青袁嘉袁綬

歷代兩浙詞人小傳卷十三

烏程周慶雲纂

閨閣 宋

朱淑真

淑真海寧人幼警慧善讀書工詩風流蘊藉自稱幽棲居士早年父母無識嫁市井民家淑真抑鬱不得志抱患而死宛陵魏端禮輯其詩詞名曰斷腸集詞學莫盛於宋淑真與濟南李清照易安尤爲閨閣雋才楊慎升庵詞品載其生查子一闋有月上柳梢頭人約黃昏後語毛晉汲古閣刊本跋語遂稱爲白璧微瑕不知此詞

載歐陽修廬陵集中不知何人竄入淑貞集厚誣賢媛
可爲慨歎淑貞詞綿渺婉約極合風人之旨謁金門云
春已半觸目此情無限十二闌干閑倚遍愁來天不管
好是風和日暖輸與鶯鶯燕燕滿院落花簾不卷斷腸
芳草遠蜨戀花送春云樓外垂楊千萬縷欲繫青春少
住春還去猶自風前飄柳絮隨春且看歸何處滿目山
川聞杜宇便做無情莫也愁人意把酒送春春不語黃
昏卻下瀟瀟雨

四庫提要

詞綜

西湖遊覽志

蔣興祖女

蔣興祖浙西人靖康間爲陽武令金人犯闕興祖死之

其女爲賊擄去題減字木蘭花於雄州驛云朝雲橫度
輓輓車聲如水去白草黃沙月照孤村三兩家飛鴻過
也百結愁腸無晝夜漸近燕山回首鄉關歸路難

詞綜

吳淑姬

淑姬湖州吳秀才女慧而能詩詞貌美家貧洪邁夷堅
志稱周介卿石之子買以爲妾朱彝尊詞綜則稱嫁士
人楊子治有詞五卷名陽春白雪佳處不減李易安也
小重山云謝了荼蘼春事休無多花片子綴枝頭庭槐
影碎風揉鶯雖老聲尙帶嬌羞獨自倚妝樓一川煙
草浪襯雲浮不如歸去下簾鉤心兒小難著許多愁

夷

堅志

花庵詞選

詞綜

湖州詞徵

孫氏

氏鄭文妻文秀州人入太學服膺齋上舍孫氏寄以憶
秦娥詞云花深深一鉤羅韞行花陰行花陰閑將柳帶
試結同心日邊消息空沈沈畫眉樓上愁登臨愁登臨
海棠開後望到如今一時傳播酒樓伎館皆歌之又有
燭影搖紅詞甚工

古杭雜記

詞綜

唐琬

琬陸遊妻伉儷相得而弗獲於其姑遣之別嫁後遊春
日出遊相遇於禹跡寺南之沈氏園悵然久之遊賦釵

頭鳳詞題園壁間詞旨哀怨婉和之云世情薄人情惡
雨送黃昏花易落曉風乾淚痕殘欲箋心事獨語斜闌
難難難人成各今非昨病魂常似秋千索角聲寒夜闌
珊怕人尋問咽淚妝歡瞞瞞前後段俱轉平韻與放
翁詞不同萬氏詞律失載

耆舊續聞

蓮子居詞話

陸遊妾

陸遊之蜀宿一驛見牆上題詩云玉階蟋蟀聞清夜金
井梧桐辭故枝一枕淒涼眠不得呼燈起作感秋詩詢
之則驛中女也遂納爲妾半載夫人逐之妾賦生查子
詞而別詞云只知眉上愁不識愁來路窗外有芭蕉陣

陣黃昏雨曉起理殘妝整頓教愁去不台畫春山依舊
留愁住

自香詞譜箋

楊娃

楊娃會稽人寧宗恭聖皇后女弟人呼楊妹子以藝文
供奉內廷稱大知閣其書類寧宗凡御府馬遠畫多命
題詠曾見遠松院鳴琴小幅楊娃題其左方云閑中一
弄七絃琴此曲少知音多少淡然無味不比鄭聲淫松
院靜竹樓深夜沈沈清風拂枕明月當軒誰會幽心調
寄訴衷情波撇秀穎妍媚之態映帶縹緗

韻石齋筆談

王玉貞

王貞武林名妓時陸仲舉飄泊江湖過武林邂逅王貞
一見投契貞曰脫簪珥買權湖上後囊篋空乏仲舉忍
然他適貞留之不得作玉樓春詞贈別有欲知恩愛感
人深灑淚多於江上雨之句陸去貞赴湖死

林下詞選

吳氏

氏永嘉人生長儒家才色俱麗琴棋詩書靡不究通大
夫士類稱之其父早世治命宜以爲儒家室女亦自負
不凡久擇婿難其人同郡鄭天趣客洪仲明家戲欲與
鄭求之辭云已娶不期媒媼欲求詩詞達於女氏鄭寄
木蘭花慢云倚平生豪氣冲星斗渺雲煙記楚水湘山

吳雲越月頻入詩篇菱花皎潔劍光零亂算幾番沈醉
樂生前種得仙人瑤草儂家五色雲邊芙蓉金闕正需
賢詔下九重天念滿院琅玕盈襟書傳人正韶年蟾宮
近傳芳信口姮娥嬌豔待詩仙領取天香第一縱橫禮
樂三千翼日女和云愛風流俊雅看筆下掃雲煙正困
倚書窗慵拈針綫懶詠詩篇紅葉未知誰繫慢道躊躇
無語小閣前燕子知人有意雙雙飛度花邊殷勤一笑
問英賢夫乃婦之天恐薛媛圖形楚材興念喚醒當年
纍纍滿枝梅子料今生無分其坡仙贏得鮫綃帕上噓
痕萬萬千千復命乳母來觀且述女意雖居二室亦不

辭也囑鄭託相知者求啟母意母終不從有周氏子挾財以媚母遂納其禮女誓不從周因佯狂擲冠於地母怒毆之女發憤成疾母乃大悔卽以定禮付媒姬以歸於周然女病竟無起色臨終謂其青衣曰我愛鄭郎生也爲鄭死也爲鄭我死之後汝可以鄭郎詩詞書翰密藏棺中以成我意未幾果卒

節春夢錄

李清照

隨宦附

清照號易安居士濟南人禮部郎提點京東刑獄格非之女建中辛巳年十八歸趙明誠明誠知湖州半年遂病不起易安年四十有六越五年作金石錄後序明年

上韓胡二公書自稱閭閻嫠婦時年五十有二世傷易
安居士再適張汝舟卒至對簿有與基處厚啟云云豈
有就木之齡已過墮城之淚方深顧爲此不得已之爲
易安當不其然百世下蒙詆抱誣可慨也已易安詞格
抗軼周柳爲詞家大宗著有漱玉詞其譜聲聲慢云尋
尋覓覓冷冷清清悽悽慘慘戚戚起頭連疊七字以一
婦人能創意出奇如此沈去矜云男中李後主女中李
易安極是當行出色前此太白故稱詞家三李朱晦庵
云本朝婦人能文者惟魏夫人及李易安二人易安祭
趙湖州文云白日正中歎隴翁之機捷堅城自墮憐杞

婦之悲深此四六之工者

白香詞譜箋

元

管道昇

道昇號仲姬吳興人天姿開朗德言容功靡一不備翰
墨詞章不學而能爲趙孟頫室夫婦同以善書名又工
畫性喜蘭梅下筆精妙有時對庭中修竹亦自興致不
能自休其題漁父圖漁歌子詞其四首甚有風致詞云
遙想山堂數樹梅凌寒玉蕊發南枝山月照曉風吹只
爲清香苦欲歸其南望吳興路四千幾時回去雪溪邊
名與利付之天笑把漁竿上釣船其身在燕山近帝都

歸心日夜憶東吳，斟美酒，鱸新鱸，除卻清閒，總不如。
其
人生極貴是王侯，浮利浮名，不自由，爭得似一扁舟，弄
月吟風，歸去休。
其
吳興備志：魏國夫人墓志銘。

明

張鴻逵

鴻逵字琴友，慈谿人。姚與祁室有清音詞，每有賡詠，意到卽成，不煩推敲，聲出金石，點絳脣。與馮太君話舊云：相見空憐許多心事，難傳與不如歸去。又被黃昏雨，明月多情，還照橫塘路，添愁緒。幽閨深處，重憶連牀語。
明
詞綜